



Број/Број: 03/1.-50-1-7-33-6e/09  
Сарајево/Sarajevo: 3.2.2009.godine

**Članovima Zajedničke komisije za odbranu i sigurnost BiH:**

**Šefik Džaferović, Vinko Zorić, Drago Kalabić, Mirko Okolić, Jozo Križanović, Sulejman Tihiić, Hazim Rančić, Branko Zrno, Ivo Miro Jović, Dušanka Majkić, Slobodan Šaraba i Adem Huskić**

**PREDMET:** Informacija o učešću na regionalnoj ekspertnoj konferenciji o temi „Partnerstvo za mir-pogodnosti i izazovi za susjedne zemlje“

U Tuzli je, 22.i 23. januara 2009., u organizaciji Helsinškog parlamenta građana (hCa) Tuzla-Omladinskog resursnog centra (ORC) Tuzla, a u saradnji s Ministarstvom odbrane BiH i pod pokroviteljstvom Vlade SAD-a, održana regionalna ekspertna konferencija pod nazivom „Partnerstvo za mir-pogodnosti i izazovi za susjedne zemlje“.

U ime Zajedničke komisije za odbranu i sigurnost BiH u radu Konferencije učestvovao je Željko Grubešić, stručni savjetnik.

Ciljevi Konferencije bili su da se:

- promovira sigurnost kao jedno od najvažnijih regionalnih pitanja, za koju se veže stabilnost kompletne regije, a koja je eksplicitno preduslov stvaranja sigurne regije za ulaganje stranih investicija i kapitala;
- pokaže spremnost BiH priključenju NATO-u;
- inicira međudržavni sporazum vojnih komponenti i predstavnika sektora odbrane i sigurnosti (sporazum o pomoći prilikom elementarnih nepogoda-poplave, zemljotresi, požari);
- poveća informiranost građana zemlje u regiji o prednostima uključenja u euroatlantske integracije.

Konferencija je nastavak projekta hCa / ORC Tuzla koji se, u saradnji s Ambasdom SAD-a i Ministarstvom odbrane BiH, realizira već drugu godinu pod nazivom „Partnerstvo za mir i BiH društvo“. Cilj ovog projekta je bio upoznati građane BiH o značaju učešća BiH u programu „Partnerstvo za mir“, značaju euroatlantskih integracija te pogodnostima, ali i obavezama koje ovo članstvo donosi bh. društvu.

U radu Konferencije učestvovali su predstavnici Ministarstva odbrane BiH predvođeni ministrom Selmom Cikotićem i zamjenicom ministra Marinom Pendeš, predstavnici Zajedničkog štaba OSBiH, Selim Bešlagić, poslanik u Predstavničkom domu PSBiH, predstavnici Ministarstva sigurnosti BiH, predstavnici ambasada SAD-a, R Slovačke i R Crne Gore, predstavnici Ministarstva odbrane R Srbije i R Crne Gore, predstavnici političkih stranaka, predstavnici nevladinog i civilnog društva iz BiH, R Crne Gore, R Hrvatske i R Srbije, predstavnici akademske zajednice, OHR-a, OSCE-a i medija.

Na Konferenciji se, u okviru panel-diskusije, razgovaralo o temama: „Značaj članstva BiH u programu Partnerstvo za mir-podsticaj regionalnoj parlamentarnoj saradnji“, „Postignuća i problemi u parlamentarnom nadzoru sigurnosnog sektora u BiH“, te „Put BiH u NATO“.

Uvodničari Konferencije bili su:

- Boško Šiljegović, predsjedavajući Zajedničke komisije za odbranu i sigurnost BiH u periodu 2003.- 2006.,
- Željko Grubešić, stručni savjetnik u Zajedničkoj komisiji za odbranu i sigurnost BiH,
- Marina Pendeš, zamjenica ministra odbrane BiH.

Moderator Konferencije bio je Vehid Šehić iz Foruma građana Tuzle.

Značajan ton radu Konferencije dalo je izlaganje Selme Cikotića, ministra odbrane BiH, koji je aktuelizirao brojne probleme vezane za priključenje BiH NATO-u.

Učesnici ove regionalne konferencije donijeli su sljedeće zaključke:

1. Daje se podrška Ministarstvu odbrane BiH i Zajedničkom štabu OSBiH s ciljem ispunjavanja uslova koje nameće članstvo u programu Partnerstvo za mir i pristupanju NATO-u. Neupitna je podrška članstvu u NATO-u i provođenju programa koji se realiziraju sa NATO-om i EU. Zakonodavnoj i izvršnoj vlasti preporučuje se da se do kraja provedu programi koji su započeti.
2. Potrebno je nastaviti održavati sastanke, seminare i konferencije predstavnika država BiH, R Crne Gore, R Hrvatske i R Srbije na kojima bi se razgovaralo o temama koje su karakteristične za priključenje NATO-u i EU.
3. Potrebno je intenzivirati jačanje regionalne parlamentarne saradnje. Tu je potrebno inicirati razgovor o brojnim problemima i temama karakterističnim za region.
4. Izražena je potreba za snažnijom i organiziranijom saradnjom i dijalogom predstavnika zakonodavne i izvršne vlasti s nevladinom sektorom i civilnim društvom, i u državama učesnicama i u regiji.

Stručni savjetnik  
Željko Grubešić